

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), člana 46. stav (4) Zakona o izvršenju Budžeta Zeničko-dobojskog kantona za 2023.godinu („Službene novine Zeničko-dobojskog kantona”, broj: 3/23 i 10/23), na prijedlog Ministarstva zdravstva, Vlada Zeničko-dobojskog kantona, na 33. sjednici, održanoj dana 25.08.2023. godine, d o n o s i

ZAKLJUČAK

o usvajanju Izvještaja o utrošku sredstava po Programu utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti- za zdravstvo“ za period januar-juni 2023. godine

I.

Usvaja se Izvještaj o utrošku sredstava po Programu utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti- za zdravstvo“ za period januar-juni 2023. godine, koji je sastavni dio ovog zaključka.

II.

Zaključak stupa na snagu danom donošenja.

Broj: 02-_____/23
Datum, 25.08.2023. godine
Z e n i c a

PREMIJER
po ovlaštenju

Dženana Čišija

DOSTAVLJENO:

1x Ministarstvo zdravstva,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**IZVJEŠTAJ O UTROŠKU SREDSTAVA PO PROGRAMU UTROŠKA SREDSTAVA
PLANIRANIH U
BUDŽETU ZENIČKO-DOBOJSKOG KANTONA ZA 2023. GODINU
NA POZICIJI
„KAPITALNI TRANSFERI DRUGIM NIVOIMA VLASTI-ZA ZDRAVSTVO“
ZA PERIOD JANUAR-JUNI 2023. GODINE**

Zenica, august 2023. godine

I Uvod

U skladu sa članom 33. stav (3) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), sredstva utvrđena u razdjelu 21 – Ministarstvo zdravstva, budžetska organizacija 01, potrošačka jedinica 0001, pozicija „Kapitalni transferi drugim nivoima vlasti - za zdravstvo“, koristit će se prema programu utroška, odnosno prema aktima koje donosi Vlada Kantona.

Članom 13. stav 2. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) propisano je da Kanton osigurava sredstva za vršenje osnivačkih prava nad zdravstvenim ustanovama čiji je osnivač, a koji obuhvata investicijsko ulaganje i investicijsko i tekuće održavanje zdravstvenih ustanova, prostora, medicinske i nemedicinske opreme i prevoznih sredstava, te informatizaciju zdravstvene djelatnosti.

Članom 13. stav 4. Zakona o zdravstvenoj zaštiti propisano je da Kanton osigurava sredstva za ostvarivanje društvene brige za zdravlje.

Budžetom Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23) na razdjelu 21 – Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo“, planirana su sredstva u iznosu 4.301.700,00 KM.

Odlukom Vlade Kantona o preraspodjeli sredstava u Budžetu Zeničko-dobojskog kantona za 2023. godinu broj: 02-11-9145/23 od 02.06.2023. godine, sredstva na poziciji 615100-„Kapitalni transferi drugim nivoima vlasti - za zdravstvo“ uvećana su za 643.592,00 KM i to preraspodjelom sredstava sa Kantonalne direkcije za ceste, pozicija 615100-„Kapitalni transferi drugim nivoima vlasti“ u iznosu 600.000,00 KM i Ministarstva za rad, socijalnu politiku i izbjeglice, pozicija 614100-KAD 221-„Poticaj zapošljavanja mladih“ u iznosu 43.592,00 KM.

Vlada Zeničko-dobojskog kantona donijela je Odluku o raspodjeli planiranih sredstava u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“, broj: 02-11-9511/23 od 09.06.2023. godine, kojom je utvrđena raspodjela kapitalnih transfera za:

1. Kapitalne transfere za JU Kantonalna bolnica Zenica - sredstva u iznosu 2.079.000,00 KM i
2. Kapitalne transfere za finansiranje kapitalnih projekata u skladu sa izmjenjenim Planom investiranja dodijeljenih sredstava potpore iz Budžeta Federacije BiH, koji je Vlada Kantona prihvatila Zaključkom broj: 02-11-8298/23 od 19.05.2023. godine- sredstva u iznosu 2.866.292,00 KM.

Vlada Kantona, na prijedlog Ministarstva zdravstva, a u skladu sa Odlukom broj: 02-11-9511/23 od 19.05.2023. godine, usvojila je Program utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“ broj: 02-11-9547/23 od 09.06.2023. godine u ukupnom iznosu 4.945.292,00 KM.

II Realizacija Programa utroška sredstava na poziciji „Kapitalni transferi drugim nivoima vlasti- za zdravstvo“-planirana sredstva 4.945.292,00 KM

Ukupni rashodi po osnovu kapitalnih transfera za zdravstvo u periodu januar-juni 2023. godine iznose **924.246,15 KM**, što predstavlja 18,69% budžetom planiranih sredstava za ove namjene u 2023. godini i 37,38% linearno planiranih sredstava za prvo polugodište ove godine.

U sljedećem tabelarnom pregledu data je struktura planiranih i utrošenih sredstava za kapitalne transfere za zdravstvo u periodu januar-juni 2023. godine:

Red. br.	Vrsta ulaganja	Budžet 2023. godine	Linearni plan januar-juni 2023. godine	Izvršenje januar-juni 2023. godina	% Izvršenja u odnosu na Budžet 2023.	% Izvršenja u odnosu na linearni plan januar-juni 2023. godine
1.	Kapitalni transferi JU Kantonalna bolnica Zenica	2.079.000,00	1.039.500,00	924.246,15	44,46	88,91
	- Nabavka medicinske opreme	924.246,15	462.123,08	924.246,15	100,00	200,00
	- Građevinski radovi	1.140.671,31	570.335,66	-	-	-
	- Nabavka rezervnih dijelova za medicinsku i nemedicinsku opremu	14.082,54	7.041,27	-	-	-
2.	Kapitalni transferi za finansiranje kapitalnih projekata u skladu sa izmjenjenim Planom investiranja dodijeljenih sredstava potpore iz Budžeta Federacije BiH, koji je Vlada Kantona prihvatila Zaključkom broj: 02-11-8298/23 od 19.05.2023. godine	2.866.292,00	1.433.146,00	-	-	-
	UKUPNO (1.+2.)	4.945.292,00	2.472.646,00	924.246,15	18,69	37,38

1. Kapitalni transferi JU Kantonalna bolnica Zenica - planirana sredstva 2.079.000,00 KM

Ukupni rashodi po osnovu kapitalnih transfera za JU Kantonalna bolnica Zenica u periodu januar-juni 2023. godine iznose **924.246,15 KM**, što je 44,46% planiranih sredstava na godišnjem nivou i u cjelosti se odnose na nabavku medicinske opreme, a nije bilo rashoda po osnovu planiranih nabavki za građevinske radove i nabavku rezervnih dijelova.

1.1. Nabavka medicinske opreme – planirana sredstva 924.246,15 KM

Vlada Zeničko-dobojskog kantona donijela je ukupno sedam (7) odluka o odobravanju sredstava

za nabavku medicinske opreme, koje se odnose na realizaciju ranije zaključenih ugovora o nabavci u ukupnom iznosu 924.246,15 KM, što je na nivou planiranih godišnjih sredstava za ove namjene u 2023. godini.

U sljedećem pregledu dati su podaci o realizovanim odlukama o odobravanju sredstava za nabavku medicinske opreme:

Red. br.	Svrha odobrenja sredstava-nabavka medicinske opreme	Broj Odluke	Iznos odobren Odlukom	Dobavljač	Ugovor	Izvršenje januar-juni 2023. godine
1.	Odlukao odobravanju sredstava JU Kantonalna bolnica Zenica za pokriće troškova nabavke medicinske opreme proizvođača „Siemens“ – SPECT kamera	02-11-9841/23 od 15.06.2023 godine	292.166,52	„Diamedic“ d.o.o. Sarajevo	32-04-8446/21 od 31.12.2021. godine	292.166,52
2.	Odluka o odobravanju sredstava JU Kantonalna bolnica Zenica za pokriće troškova nabavke anestezioloških aparata	02-11-9840/23 od 15.06.2023 godine	292.383,00	„Diamedic“ d.o.o. Sarajevo	22-04-9656/22 od 26.12.2022. godine	292.383,00
3.	Odlukao odobravanju sredstava JU Kantonalna bolnica Zenica za nabavku operacionog stola	02-11-9839/23 od 15.06.2023 godine	116.415,00	„Proma“ d.o.o. Sarajevo	22-04-9537/22 od 22.12.2022. godine	116.415,00
4.	Odluka o odobravanju sredstava JU Kantonalna bolnica Zenica za pokriće troškova nabavke ultrazvučnog aparata proizvođača „GE Medical Systems“	02-11-9838/23 od 15.06.2023 godine	75.465,00	„Medical“ d.o.o. Mostar	32-04-9398/22 od 16.12.2022. godine	75.465,00
5.	Odlukao odobravanju sredstava JU Kantonalna bolnica Zenica za pokriće troškova nabavke aspiratora za hirurške sale	02-11-9834/23 od 15.06.2023 godine	12.823,20	„Paroco-B“ d.o.o. Banja Luka	22-04-9910/22 od 30.12.2022. godine	12.823,20
6.	Odluka o odobravanju sredstava JU Kantonalna bolnica Zenica za nabavku dodatne opreme za ultrazvučni aparat za potrebe Odjela urologije	02-11-9833/23 od 15.06.2023 godine	18.133,83	„Siemens medicina“ d.o.o. Sarajevo	22-04-969/23 od 13.02.2023. godine	18.133,83
7.	Odluka o odobravanju sredstava JU Kantonalna bolnica Zenica za pokriće troškova nabavke medicinskog namještaja u bolesničkim sobama	02-11-9832/23 od 15.06.2023 godine	116.859,60	„Derby Trade“ d.o.o. Brčko	22-04-9585/22 od 22.12.2022. godine	116.859,60
	UKUPNO		924.246,15			924.246,15

Na dan 30.06.2023. godine nema neizmirenih obaveza po osnovu odluka o odobravanju sredstava za nabavku medicinske opreme.

1.2. Građevinski radovi-planirana sredstva 1.140.671,31 KM

U periodu januar-juni 2023. godine nije bilo rashoda po osnovu planiranih sredstava za građevinske radove, a planirana sredstva odnose se na:

1.	Instalaciju kisika i komprimiranog zraka u operacionim salama Odjela ortopedije i traumatologije, plastične i rekonstruktivne hirurgije i oftamologije i instalacija kisika za intenzivnu njegu neurologije	38.671,31
2.	Rekonstrukciju koronarne jedinice Odjela interne medicine	702.000,00

3.	Izgradnju objekta za smještaj infektivnog otpada	400.000,00
	UKUPNO	1.140.671,31

JU Kantonalna bolnica Zenica izvjestila je Ministarstvo zdravstva da je 22.06.2023. godine pokrenut otvoreni postupak javne nabavke (obavještenje o nabavci 669-1-3-405-3-269/23) za rekonstrukciju dijela prvog sprata zgrade za koronarnu jedinicu Odjela interne medicine sa hemodijalizom JU Kantonalna bolnica Zenica (tender broj: 13-74/23) sa rokom za otvaranje ponuda 09.08.2023. godine. Procijenjena ukupna vrijednost ugovora je 600.000,00 KM bez PDV-a.

Dana 22.06.2023. godine pokrenut je otvoreni postupak javne nabavke (obavještenje o nabavci 669-1-3-403-3-268/23) za izgradnju objekta za tretman infektivnog otpada za potrebe JU Kantonalna bolnica Zenica (tender broj: 13-63/23) sa rokom za otvaranje ponuda 07.08.2023. godine. Procijenjena ukupna vrijednost ugovora je 471.000,00 KM bez PDV-a.

U skladu sa Programom utroška sredstava, na zahtjev JU Kantonalna bolnica Zenica po potpisivanju ugovora o nabavci, Vlada Kantona će donijeti odluke o odobravanju sredstava kojim će se sredstva transferisati na osnovu zaključenog ugovora o nabavci i odluke o odobravanju sredstava. JU Kantonalna bolnica će Ministarstvu zdravstva pravdati doznačena sredstva ispostavljenim fakturama od strane dobavljača i dokazima o uplati sredstava dobavljaču.

1.2. Nabavka rezervnih dijelova za medicinsku i nemedicinsku opremu-planirana sredstva 14.082,54 KM

U periodu januar-juni 2023. godine nije bilo rashoda po osnovu planiranih sredstava za nabavku rezervnih dijelova za medicinsku i nemedicinsku opremu.

2. Kapitalni transferi za finansiranje kapitalnih projekata u skladu sa izmjenjenim Planom investiranja dodijeljenih sredstava potpore iz Budžeta Federacije BiH, koji je Vlada Kantona prihvatila Zaključkom broj: 02-11-8298/23 od 19.05.2023. godine-planirana sredstva 2.866.292,00 KM.

U periodu januar-juni 2023. godine nije bilo rashoda po osnovu planiranih sredstava u skladu sa Planom investiranja dodijeljenih sredstava potpore iz Budžeta Federacije BiH.

U sljedećem tabelarnom pregledu dati su projekti koji će u 2023. godini biti finansirani sredstvima potpore iz Budžeta Federacije BiH sa iznosima planiranih sredstava:

Red. br.	Naziv	Iznos u KM
1.	Projekat sufinansiranja izgradnje objekta Službe hitne medicinske pomoći sa pratećim sadržajima u Zenici	1.500.000,00
2.	Projekat sufinansiranja izgradnje područne ambulante u Željeznom Polju, općina Žepče	200.000,00
3.	Sufinansiranje nabavke sanitetskog vozila za JU „Dom zdravlja sa stacionarom“ Žepče	136.292,00
4.	Sufinansiranje nabavke RTG aparata za potrebe JU Dom zdravlja „Prim. dr Mijo Grgić“ Usora	200.000,00
5.	Sufinansiranje nabavke digitalnog mamografa u JU Opća bolnica Tešanj	250.000,00
6.	Projekat sufinansiranja izgradnje objekta ambulante porodične medicine u Mjesnoj zajednici Perin Han	580.000,00
	Ukupno	2.866.292,00

Vlada Zeničko-dobojskog kantona, na prijedlog Ministarstva zdravstva donijela je tri (3) odluke

o odobravanju sredstava i to:

1. Odluku o odobravanju sredstava JU „Dom zdravlja sa stacionarom Žepče“ za nabavku sanitetskog vozila broj: 02-11-9842/23 od 15.06.2023 godine u iznosu 136.292,00 KM,
2. Odluku o odobravanju sredstava JU Dom zdravlja „Prim. dr. Mijo Grgić“ Usora za nabavku RTG aparata broj: 02-11-9843/23 od 15.06.2023 godine u iznosu 200.000,00 KM i
3. Odluku o odobravanju sredstava JU Opća bolnica Tešanj za finansiranje nabavke digitalnog mamografa broj: 02-11-9844/23 od 15.06.2023 godine u iznosu 250.000,00 KM.

U skladu sa članom 2. stav (2) svake pojedinačne odluke o odobravanju sredstava, transfer sredstava na korisnike odobrenih sredstava će se izvršiti po okončanju postupka javne nabavke, a na osnovu zaključenih ugovora o nabavci i odluka o odobravanju sredstava.

JU „Dom zdravlja sa stacionarom“ Žepče izvijestila je Ministarstvo zdravstva da je nakon istraživanja tržišta trenutno u fazi pripreme tenderske dokumentacije (tehničke specifikacije) za nabavku sanitetskog vozila, te da objavu pokretanja postupka javne nabavke na portalu Agencije za javne nabavke planira polovinom mjeseca augusta ove godine.

JU Dom zdravlja „Prim. dr. Mijo Grgić“ Usora izvijestila je Ministarstvo zdravstva da je dana 17.07.2023. godine pokrenula otvoreni postupak javne nabavke RTG aparata procijenjene ukupne vrijednosti 210.000,00 KM bez PDV-a (obavještenje o nabavci 839-1-1-2-3-2/23 na portalu Agencije za javne nabavke). Rok za otvaranje ponuda je 21.08.2023. godine.

JU Opća bolnica Tešanj izvijestila je Ministarstvo zdravstva da je trenutno u fazi istraživanja tržišta i cijena, a u cilju pripreme tenderske dokumentacije, nakon čega će biti pokrenut postupak javne nabavke.

Vlada Zeničko-dobojskog kantona Zaključkom broj:11-11-10982/23 od 07.07.2023. godine i Zaključkom broj:11-11-10983/23 od 07.07.2023. godine dala je saglasnosti ministrici Ministarstva zdravstva da potpiše sporazume o zajedničkom finansiranju Projekta izgradnje objekta Službe hitne medicinske pomoći sa pratećim sadržajima u Zenici i Projekta izgradnje objekta ambulate porodične medicine u Željeznom Polju, Općina Žepče.

Dana 12.07.2023. godine ministrica Ministarstva zdravstva i gradonačelnik Grada Zenica potpisali su Sporazum o zajedničkom finansiranju Projekta izgradnje objekta Službe hitne medicinske pomoći sa pratećim sadržajima u Zenici, a Odlukom o odobravanju sredstava broj: 02-11-12316/23 od 03.08.2023. godine odobrena su sredstava Gradu Zenica u iznosu 1.500.000,00 KM za finansiranje ovog projekta u 2023. godini.

Dana 12.07. 2023. godine ministrica Ministarstva zdravstva, načelnik Općine Žepče i direktorica JU „Dom zdravlja sa stacionarom“ Žepče potpisali su Sporazum o zajedničkom finansiranju Projekta izgradnje objekta ambulate porodične medicine u Željeznom Polju, Općina Žepče, a Odlukom o odobravanju sredstava broj: 02-11-12315/23 od 03.08.2023. godine odobrena su sredstava JU „Dom zdravlja sa stacionarom“ Žepče u iznosu 200.000,00 KM za finansiranje ovog projekta u 2023. godini.

MINISTRICA

dr Tanja Radoš Kosić

